



Broj: 01-50-1-177-23/25

Sarajevo, 4. 4. 2025.

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

PRIMLJENO: 07-04-2025			
Organizaciona jedinica	Klasifikaciona oznaka	Redni broj	Broj priloga

ZAPISNIK

23. hitne sjednice Predstavničkog doma Parlamentarne skupštine Bosne i Hercegovine, održane 4. 4. 2025.

Sjednica je počela u 11.15 sati. Prisustvovalo je 30 poslanika.

Odsustvovali su: Denijal Tulumović, Rejhana Dervišević, Ermina Salkičević-Dizdarević, Nebojša Radmanović, Sanja Vulić, Obren Petrović, Ljubica Miljanović, Miroslav Vujičić, Milorad Kojić, Milan Petković, Čedomir Stojanović i Branislav Borenović.

Sjednici su prisustvovali: zamjenik ministra pravde BiH Elvir Mahmuzić i zamjenica ministra za ljudska prava i izbjeglice BiH Duška Jurišić.

Sjednicu su pratili predstavnici: Ministarstva pravde BiH, Ministarstva civilnih poslova BiH i Ministarstva za ljudska prava i izbjeglice BiH.

Iz međunarodnih organizacija sjednicu su pratili predstavnici OSCE-a.

Predsjedavajući je rekao da je 23. hitna sjednica Predstavničkog doma sazvana u skladu s članom 27. stav (1) tačka b) i članom 68, a u vezi s članom 154. Poslovnika Predstavničkog doma Parlamentarne skupštine Bosne i Hercegovine.

Predsjedavajući je konstatirao da 23. hitna sjednica Predstavničkog doma ima sljedeći

DNEVNI RED

1. Inicijativa za glasanje o rekonstrukciji Vijeća ministara Bosne i Hercegovine - smjena sljedećih zamjenika ministara u Vijeću ministara Bosne i Hercegovine: Aleksandra Goganovića, zamjenika ministra odbrane, Ognjena Janjića, zamjenika ministra komunikacija i prometa, i Marijane Mojić, zamjenice ministrice civilnih poslova, predlažać: poslanici Saša Magazinović, predsjedavajući Kluba poslanika SDP-a BiH, Nihad Omerović, predsjedavajući Kluba poslanika NiP-a, Sabina Ćudić, predsjedavajuća Kluba poslanika NS - BHI KF, Jasmin Imamović, Albin Muslić, Rejhana Dervišević, Ermina Salkičević-Dizdarević, Denis Zvizdić, Mia Karamehić-Abazović, Predrag Kojović i Aida Baručija, broj: 01-50-1-621/25 od 6. 3. 2025.

Ad. 1. Inicijativa za glasanje o rekonstrukciji Vijeća ministara Bosne i Hercegovine - smjena sljedećih zamjenika ministara u Vijeću ministara Bosne i Hercegovine: Aleksandra Goganovića, zamjenika ministra odbrane, Ognjena Janjića, zamjenika ministra komunikacija i prometa, i Marijane Mojić, zamjenice ministrice civilnih poslova, predlagač: poslanici Saša Magazinović, predsjedavajući Kluba poslanika SDP-a BiH, Nihad Omerović, predsjedavajući Kluba poslanika NiP-a, Sabina Ćudić, predsjedavajuća Kluba poslanika NS - BHI KF, Jasmin Imamović, Albin Muslić, Rejhana Dervišević, Ermina Salkičević-Dizdarević, Denis Zvizdić, Mia Karamehić-Abazović, Predrag Kojić i Aida Baručija, broj: 01-50-1-621/25 od 6. 3. 2025.

Predsjedavajući je dao uvodne napomene. Nihad Omerović obrazložio je prijedlog za rekonstrukciju Vijeća ministara BiH.

Predstavnički dom odvojeno se izjašnjavao o smjeni zamjenika ministra odbrane, zamjenika ministra komunikacija i prometa i zamjenice ministrice civilnih poslova.

Predstavnički dom usvojio se Inicijativu za rekonstrukciju Vijeća ministara Bosne i Hercegovine - smjena Aleksandra Goganovića, zamjenika ministra odbrane, s 26 glasova „za“ (iz Federacije BiH 21, iz Republike Srpske pet), tri „protiv“ i bez „suzdržanih“ glasova.

„Za“ smjenu Ognjena Janjića, zamjenika ministra komunikacija i prometa, glasalo je 25 poslanika (iz Federacije BiH 21, iz Republike Srpske četiri), tri „protiv“, jedan „suzdržan“. Predsjedavajući je konstatirao da nema potrebne entitetske većine. Kolegij Doma kao komisija odmah je obavio usaglašavanje. Saglasnost nije postignuta. U drugom krugu glasanja, s 25 glasova „za“, tri „protiv“ (iz Federacije BiH) i jednim glasom „suzdržan“, usvojena je Inicijativa za rekonstrukciju Vijeća ministara Bosne i Hercegovine - smjena Ognjena Janjića, zamjenika ministra komunikacija i prometa.

Predstavnički dom usvojio je Inicijativu za rekonstrukciju Vijeća ministara Bosne i Hercegovine - smjena Marijane Mojić, zamjenice ministrice civilnih poslova, s 26 glasova „za“ (iz Federacije BiH 21, iz Republike Srpske pet), četiri „protiv“ i bez „suzdržanih“ glasova.

Sjednica je završena u 11.25 sati.

Sastavni dio Zapisnika je transkript 23. hitne sjednice Predstavničkog doma.

SEKRETAR
PREDSTAVNIČKOG DOMA
Dražen Mustapić

PREDSEDavajući
PREDSTAVNIČKOG DOMA
Dr. Denis Zvizdić